

تاریخ هجری ۱۳۳۱

نومرو ۱۲

تاریخ رومی ۱۳۲۹



۵ رمضان

اعتماد لری

۲۶ تموز

جمعه کونلری نشر اولنور اسبوعی اسلام جریده سیدر .

مواعظ

عوامك اعتقادىنى تقويه ايتك ، اونلرى بولندقلرى حال غفلتدن ايضا ايله مك ايچون مناسب زمانلرده كنديلرينه وعظ ونصيحت اجراسى دين اسلامده بر امر اهم عد اولغندركه علما و صلاحيه عايد اولسى لازم كان (امر معروف ، ونهى منكر) ده بونى تايد ايدر .

شعائر اسلاميه دن استفاده جهتي بر خيلى زماندن برى اهمال ايله مش اولان مسلمانلر ، بونصيح ويند خصوصنه لايق اولدينى اهميتي ويرمه مشلر در ، فى الحقيقه اهالى به هيچ وعظ ونصيحت ايدليور دينيله مزسده وظيفه نك اهلنه توديبى دوشونوله ديكى ايچون اجرا اولنان نصائحون مهم بر نمره حاصل اولدينى ده يوق كيذر .

انا طوليك مرا كز علما عد اولونان بش اون بلده سى استئا ايديارسه ديكر مملكتلر بمزده - پاي تخت ده داخل اولدينى حالده - اجرا اولونان وعظ ونصيحتدن فائده يرينه ضرر تولد ايدليور دينلسه خطا ايدله مش اولور ، چونكه واعظلىق مسأله سى بر انتظامه تابع طو تولا مشدر ، هر واعظ افندى همان ، هر ايسته ديكى مملكتده ، آرزو ايتديكى جامع شريفده اجراى نصيحتده مختاردر . وعظ ونصيحتى استماع ايدله جك خلقك سويه عرفانى ، وارد خاطر بيله اولامبور .

خلقى تنوير ايچون كرسى به چيقان واعظ افندى ، زمين وزمانه واقف اولمق لازمدر ، مخاطبلرينك احوال وافكارينه مطلع اولمايان بر واعظك سويله جكي سوزلر هدفه اصابت ايدمه جكي ايچون مستمعين اوزرنده بر حسن تأثير حصوله كتيره مز ؛ ايسته بونك ايچوندركه اكثريا واعظ افنديلر نصيحته شروع ايدوبده

بر قاج دقيقه كچر ، كچمز جماعت طاعيلارق يابه يالكز قاليبور . صوكره ذواللى ، حاضر لاديكى فكرلىرى تبليغ ايدمه دن كرسى بى ترك ايله مكه مجبور اولييور . واعظ ، اهالينك وعظ ونصيحته اهميت ويرمديكندن ، اهالى ده واعظ افندينك سوزلرندن برشى اوكره نه مديكى جهته ايكى طرف ده شكايه ايدر طورر ؛ حال بوكه نه واعظده قصور وار ، نه اهالى ده ، اصل قصور واعظلك بر نظام وانتظامه ربط ايديله مه سنده در .

بر جوق واعظ افنديلر واردركه بيوك شهرلرده وعظ ايتك اقتدارىنى حازر اولدقلرى حالده كويلره كيدر ، بر طاقى ده آنجق قرا خلقى ارشاد ايدله بيله جك بر درجه ده ايكن بيوك شهرلرده اجراى نصيحته تشب ايدر ؛ بوجهته هم شهرلر ، همده كويلر اويولده ايديله جك استفاده دن محروم قاليور .

حال بوكه واعظ افنديلر بر نظامه تابع طو تولسه هانكيلرينك كويلرده ، هانكيلرينك شهرلرده نصيحت ايتمه سى لازم كله جكي تعين ايدله مملكت ، بويوزدن برخيلى استفاده ماصل ايتمش اولور .

خاطره اويله كليركه هر سنه شعبان شريفده هر قصبه ده با امر فتوا پناهى علمادان مركب بر انجمن تشكىل ايدله رك واعظلك كيده جكي كويلر ويا قصبه لرى اونلر تعين ايتسه وهر بزينه تبليغ اينده جكي احكام شرعيه ايله برابر فلان وفلان كتابلرى ده ايدينه رك مثلا صنعتدن ، تجارتدن ، زراعتدن ، اقتصاددن ، حسن معاشرتدن ، عسكرلكك شرفندن حاصلى شرع شريفك آمر اولدينى بو دورلو فضائلى ده حسب الاحتياج بر درجه به قدر

مفصلاً بیان ایله مهلری اخطار ایتسار نه قدر کوزل اولور .

بوصورتله واعظ افدیلمک تبلیغ ایده جکی مباحثی تعیین ایده مه مه سی یوزندن آرده صیره جوامع شریفه دظه ور ایدن و پولیس واسطه سیله باصدیرلمغه مجبوریت الورن منازعه لره نهایت ویریش اولاجنی کبی طلبة علومک طشریده کیتدیکی صیره ده اهالی یه قارشی آلاجنی وضعیت ده تعین ایله مش اولور .

ع . عاطف

فلسفه سکوت

غزته مزك انتشارینه سبب اولدقلر ندنطولانی کندیلرینه جداً متتدار قالدیغ ، اجتماع ، محررلرینک اولکی یاغره لرینه مقابل شمیدیکی سکوتلری ، ظن ایدلسونکه استغفار ویاخود استجیا نتیجه سی در . کرک اوزمانکی تجملدری و کرک بوزمانده کی تجملدری آری ، آری فلسفه لر دن متولددر . صنف علمی جاهلدر ، غافلدر ، عاطلدر ، باطلدر دیملری حقیقت حاکم اولیه اولدیغنه قانع بولندقلر ندن ایلری کایورحسنى دماغمزده مسافر بیله ایتیم . چونکه اونلر . صنف علمینک بو حالده ایکنینه کندیلرینه نسبت قبول ایتمز درجه ده صاحب فضیلت اولدیغنی بیلرلر .

کذلک دین علمینده بولنملاری ، تدقیق وتبع نتیجه سنده دینک مضر اولدیغنی اکلامش اولالرن ندن نشئت ایتیمور . هر ایکی حرکنده کی مقصد ، صنف علمی ایله دین علملرینه عائد اولق اوزره یازبان یازیلر وسویلنن سوزلره ملئذ اولانلرک محبت وتوجهلری جلب ایتک

و کندیلرینی اونلره غایتله جسور وغیور طاء . تمقدر . بوندن بشقه برده محاورات ومحرراتده ناملرینک هر نه صورتله اولورسه اولسون یاد اولنمائی چوق سوزلر . چونکه اونلر ، ولولمتله اولسون ناملرینک اوراق وافواهدده دوران ایتمنی الیبوک بر موقیت صایارلر ! . ایشه بوکی باد هوا غایدری الده ایتک ایچون فضائل انسانیه نك وراسنده طولاشورلر .

فلسفه نك بو فصلنه علاوه ایدیله جک بر بحث ده ها وارددرکه اوده جمع درامدر . بوخصوصده سائر حاققلرینه تقابل ایدیله جک بر حالده مهارت کوستریورلر . مملکت مزده ندرلو غزته نك چوق صاتیله جغنی پک کوزل اکلایورلر . بیلورلرکه دین علمینه ، صنف علمی علمینه اوله رق یازلمش بولنن مقالهلر ، یاره قازانق ایچون برنجی وسیله در . چونکه اویله مقالهلری احتوا ایدن بر غزته نی ، بشقه ، بشقه مقصدلره هم لهدارلر ، هم ده عاهدارلر آلورلر . ناصل آملرکه هر ایکی موضوعده جالب وجاذبدر .

تضاد علاقه سیله دوستمز بولنن زمرة اجتماع دیون ، ایشه بوفلسفه یه ده آلدانه رق دین وخدام دینه قارشو اعلان حرب ایتش ایدی . فقط بیلیمکه اکثریت مطلقه نك مقدساته وبر صنف مهمک حیثیته تجاوز طریقله یاره قازانمینی عقلای ملل وفضلاى ائم ناصل تلقی ایدرلر . ترکیاده موجد ومخترع یوقدر دیورلر . ناصل یوقدر ایشه بر ایجاد اقتصادى وبر اختراع تجاری که دنیانک هیچ برطرفنده کشف ایدلش دکدر . قوانین تجاریه مؤلفلرینک نظر دقلرینی جلب ایلرم ! .